

痘疹世醫心法卷之四

起發證治歌括

凡三十五首

五六日間起發時

俗師計日豈曾知

不分虛實論輕重

偏執方書只補之

瘡痘之證熱三日出三日後方起發此常論也蓋先
出者先起後出者後起痘跡毒輕氣稟厚者自易出
易發易壓痘密毒重氣稟薄者自難出難發難壓不
可拘定日數時師不知虛實補瀉之理但於起發之
初便用補脾果內氣不足少食者用之允當若內實

虛實
補脾當辨

便秘能食之人寧不黨邪爲惡乎非徒無益而反害之、

蘄水縣羅野松年十六時出痘其父月湖翁嘗聞
吾治其侄婦魯氏之驗請予視之予往先有一醫
張姓者在因月湖只一子虛張誑言以恐嚇之曰
凡出痘者春夏爲順秋冬爲逆今冬出痘犯時逆
也痘瘡起發頭面要腫今被寒氣鬱遏毒不得出
故頭面不腫犯證逆也奈何予曰不然春夏爲順
秋冬爲逆非以時論以痘證言也蓋春夏者發生

辨頭面腫
順逆險

長養之令也。秋冬者，收斂閉藏之令也。痘本陽毒，自出現而起發，自起發而成膿，如苗而秀，秀而實，故曰：春夏爲順，如應出不出，應發不發，謂之陷伏，故曰：秋冬爲逆。頭面不腫者，順痘也。頭面浮腫者，險痘也。頭面預腫者，逆痘也。今痘本磊落尖圓，堅實，其毒輕微，故起發而頭面不腫。若頂平根濶，肌肉鮮紅，此爲毒甚，不待起發而頭面先腫矣。張曰：起發太遲，由虛寒始，溫補之藥可與服之。予曰：痘瘡無病，不須服藥。吾觀此痘紅潤鮮明，表氣實也。

大小便調。裏氣實也。無熱無渴。無他病也。於此補之。謂之實實。先生且止。吾計十數日。必收靨而安矣。月湖深信予言。果如期而安。並未進藥。

大抵瘡標只要稀。

毒輕瘡少不須醫。

若逢稠密毒邪甚。

解毒和中早燭機。

痘疎不必治

疎密佈散當治

太密不治

凡痘瘡疎則無毒。密則有毒。痘疎毒少者邪不勝正。其氣和。其勢順。不須服藥。痘疎密佈散邪正相持。其氣病。其勢險。此宜抑邪扶正。使邪氣亟奪。不爲正氣之賊。痘稠密無縫。正不勝邪。其氣乖。其勢逆。善治者。

什可救其二三不善治者束手待斃而已故順者不
必治逆者不可治險者貴治此以下專言險逆者之
證治也

幾多先密後稀疎

更有先疎後密稠

不是良工會見慣

也將怪變問師巫

夾斑疹先
密後疎

先疎後密
吉症

凡看痘瘡有先密後疎者此夾與夾疹也初出看之
一片紅點斑疹相雜難以分辨至起發時斑疹盡散
惟痘獨在故先似密而後實疎也有先疎後密者此
一順一逆也痘科云輕者作三四次出大小不一等

先疎後密
凶治

故先似疎而後漸密此順痘也吉若初出看時只面
上胸前三五處顆粒模糊根脚腫硬待至起發則
一齊湧出故先雖疎而後尤密此逆痘也凶

先後大小盡出齊

以漸起發適如期

尖圓紅活都光壯

表裏無邪福所歸

表裏無病

順痘

痘子輕者作三四次出大小不一等其起發亦先後
循次大小分明不相連串顆粒尖圓根窠紅活光壯
肥澤此表無病飲食如常小便清大便潤此裏無病

表裏無病大吉之光不須服藥

起發如期貴適中

太遲大驟類成凶

誰知驟發亦驟陷

發若遲時毒復壅

表裏發太驟王治

裏虛發太遲王治

瘡子起發只以出勻爲期不可拘定日期瘡出以漸其發亦以漸謂之適中若已一齊湧出便皮肉虛腫一齊掀發者此表氣虛毒氣潰奔而出表虛不能收歛必生癢癩或成潰爛急宜救表十宣散二十七調無價散七十三活血散十四合消毒飲十六相間服之若出已盡當起不起或起不透此裏氣虛毒氣留伏壅遏而不出必增煩躁腹滿喘促或後爲壅毒急

宜救裏十全大補湯三十八合勻氣散十三或參苓

白朮散二十三調無價散七十三服之

痘子而今出已勻可知形狀重和輕

莫將湯液求奇中治不乖方藻鑑明

輕重辨

瘡痘之出有輕有重觀其形狀即可知之如一發便
出盡者必重也瘡夾疹者半輕半重也出稀者輕裏
外肥紅者輕外黑裏赤微重也外白裏黑者至重也
瘡端裏黑點如針孔者勢劇也青乾紫陷昏睡汗出
煩躁熱渴腹脹喘喘大小便不通者困也善用藥者

能使輕者易安、重者不致大困、斯可謂之十全矣、

變輕變重轉移間、

莫道人爲不勝天、

堪笑愚夫多不曉、

空談氣數蓋前愆、

此一段極
該看

輕變重之
由

古人云輕變重、重變輕、輕者指出稀者、裏外肥紅者、
人見其輕、遽生怠忽之心、不避風寒、不節飲食、不慎
禁戒、不擇醫巫、以致感風寒、則生外熱、傷飲食、則生
內熱、熱氣薰蒸、或翻出瘡痘稠密者、或痘後目盲、發
癰者、或腹脹、或煩躁、或吐利、犯禁戒、則爲瘰癧、爲潰
爛、醫之誤、則補所不當補、瀉所不當瀉、巫之誤、則呪

重變輕之
由

論人稟氣
及用藥寒
熱法

水洒之以傷其表、令之飲水以傷其裏、往往變爲重疾。設有不幸歸之、氣數抑何愚哉！重者指出、密者外黑裏赤者、外白裏黑者、人知其重、能存憂懼之心、適其寒、溫慎其飲食、禁戒必守、醫巫必擇、自然易發、易壓、故能變爲輕也。如此者、非人能勝天平。

聞人氏云：稟氣實者、夏酷暑而不甚畏熱、冬嚴寒而不甚畏冷；稟氣怯者、易寒易熱、天寒陰雨則感寒濕、而濡瀉、天氣稍炎則伏熱而中暍。是故先知節後者、能辨陰陽寒暑之盛衰、經云：陽盛人耐冬、不耐夏；陰

盛人耐夏不耐冬此亦知人稟受之不同且自立夏
氣變純陽萬物盛大治萬者用熱遠熱如桂枝麻黃
之輩必加知母升麻石膏等服之立冬氣合純陰治
藥者用寒遠寒如用諸涼劑中病卽止不必盡劑又
如冬溫煖則虛者安而實者病夏寒涼則實者安而
虛者病冬溫煖夏寒涼非節之氣來暴而去速在人
將攝之如何耳

錢氏云當痘疹當乳母慎口不可令飢及受風冷聞
人氏云凡人一日不食則飢觸風冷則病況小兒當

調攝數條
當看

論暴寒傷
痘

瘡痘之際正欲賴穀氣以助其內避風寒以護其外
苟穀氣虧少風寒侵襲則爲患可勝言哉乳下嬰兒
宜常令其母飲食充足居處避風能食童子專令老
成耐事人時時管顧雖然事亦貴得其平或者以失
飢冒風寒爲戒遂致過飽極溫非徒無益而又害之
瘡痘之家宜備知之

聞人氏云瘡痘之出蓋熱邪內外蒸發其有當熱作
之時忽遇天氣大寒熱氣方運出而暴寒折之外寒
爲內熱拒而不得入內熱爲外寒閉而不得出毒氣

暴寒主治

壅於肌皮之間如癰疹如痣點或青或紫俚俗云鬼捻青者是也壯年出者皮膚厚肉理密多有此證凡是却寒溫肌透表之劑皆可選而用之也

暴寒傷痘主治

凡冬春之間常有暴寒忽為寒氣所侵其痘色變或青或灰白頑水凝凍不能起發者桂枝葛根湯五麻黃湯六十七去杏仁石膏合服待瘡子略起再以十

宣散三十七

發表托裏也外用胡荽酒

七十四

寒濕傷痘不能起發

主治

凡春夏久雨為寒濕之氣所害不能起發者五苓散

二十八

加蒼朮防風主之多服更佳

論天氣暄
熱治法

聞人氏云：嬰兒童子，畢竟純陽，當瘡痘未出之先，或遇天氣暄熱，當與疎利。庶幾起發之日，其勢必輕疎利之說，非是。轉下疎者，疏散熱氣；利者，滑利九竅，使無壅遏之患而已。疎利用輕清之劑，彼轉下者，非猛浪不可。疎利轉下，相去遠甚，不可不辨。

夏秋酷熱
傷痘主治

凡夏秋之間，常有酷熱，忽爲熱氣所蒸，其痘色變或大赤，掀發或糜嫩不堅實。先以五苓散二十合黃連

解毒湯

九十

或升麻葛根湯

一合

人參白虎湯

二十

以解其熱，次以調元湯

十八

加麥門冬五味子以補

傷冷水等
主治

傷油膩熱
物等主治

食過飽主
治

其氣外用天水散四十合百花膏八十遍塗之

凡傷冷水、砂糖、西瓜、紅柿、菱、荻、柑、桔、水梨、一切生冷

之物、腹痛者、丁香、脾積丸三十原物湯下、有瀉者、錢

氏異攻散四十加丁香、訶子、主之、如傷油膩、肥甘、糍

粽、一切熱物、腹痛者、備急丸、九原物湯下、此上二證、

得利後、並用四君子湯二十加陳皮、木香、或錢氏異

攻散四十調之

凡食過飽、稍覺不快者、木香、大安丸、主之、九十損穀

則愈、不可妄下、錢氏云、惟用溫涼藥治之、不可妄下、

論痘穢氣
觸犯當看

保護之法

及妄攻發。又云。瘡疹始出。未有他證。不可下也。此言
常候。戒人猛浪。若有前外感內傷之證。安可徇常。
聞人氏云。木得桂則枯。雌黃遇胡粉則黑。柑得脯則
壞。物之相畏。有如此者。瘡痘之畏穢惡雜氣。其理亦
如是也。仲景云。瘡痘欲出之間。宜燒蒼朮猪甲二物。
仍令。人謹伺門戶。勿使生人輒入。亦忌勞力。人狐臭
人。若行房。觸犯最爲大害。婦人經水適來。尤當迴避。
床帳左右前後。宜掛胡荽。以酒噴之。或燒乳香。亦妙。
蓋榮衛得香。則運行甚速。或可使瘡毒易出。苟防備

痘有觸犯
治法

輕誤變重

一不如法則禍患踵至欲出者使之不出已出者潰爛成片甚者瘡黑陷伏加以爛臭痛如刀剌悶亂而死其中縱得安者亦令癍痕經年黑色或反成疥癬不可不戒

凡痘瘡起發卽當禁戒房事室中常燒辟穢膏九十令煙不絕更多燒硬石以水澆之若有觸犯瘡或色變或作癢者以茵陳薰法解之八十一

徽州舖吳印墩抱養一子出痘胡三溪善醫邀予同往視之磊落紅活順痘也其兒脾胃素弱起發